

史德圖說




序



吾安德有明二百七十餘年英靈間
氣應不乏人第簡樸從風無好名者
故著作鮮傳而間有所遺寸什一於千
伯六侵散佚幸前孝廉李矩亭先生
有廣川人文初搜其中存詩一卷凡三
家繼有水部程正夫先生安德詩搜
復得十家願卷帙草載六篋衍之久

繡已爾能言感中州而慕遺山之勝事
乎憶我先司農歸田後嘗擬就二搜
中摘其英華付諸剞劂與所選尊水
園集並垂不朽而無如箕尾上升事遂
寢予小子撫今追昔曷得以駸陋自護
故加意持擇而梓之凡名氏二十有二詩
七十有三次以人世紀其出處匪敢謂繼
先志表前賢也維桑與梓必恭敬止
詩不云乎矧去陵湮海竭文章不死
俾後之有志稱先者得藉以溯其流
風餘韻幸方山二百餘年之文物不
至光沉響寂猶章灼於梨棗間也詎
可少哉詎可少哉

乾隆庚申季夏全里後學田同之拜題



安德明詩選遺

全里後學小山彊田同之撰



張

海

字文淵成化丙戌進士官兵部侍郎詩有盛名格調在高楊之間當時稱其才壓翰林不愧也晚年自焚其稿

懷宋民表

落。思君意不任。薊雲燕樹晚陰。論文久負一尊酒。明月常懸千里心。終日囂塵侵白面。何人交道重黃金。春光又過看花眼。催取流鶯啼上林。

送劉孟元

先生鵠立海東頭。簪筆十年侍冕旒。官好却從安

處退名芳偏向去時留。半庭楊柳。薊門曉。一棹蘆花。湘水秋。我望白雲不歸去。日邊分得望雲愁。

春閨詞

夢迴繡枕耿。紗簾慢。風輕燕子斜。不信閑愁春不管。平分一半與梨花。忙煞流鶯柳樹頭。弄梭空擲一春愁。梳粧愛道西窓好。只有黃昏不肯休。

馬亨衢

號東野。正德丁卯舉人。官洛陽知縣。赴任無幾。即掛冠而歸。與鄒蘆南為倡和友。有集名東野漫藁。今亡矣。

飲鄒蘆南莊醉歸

飲馬城南寺。高蟬咽柳陰。夕陽熏醉客。明月映禪

林。並轡談新話。聯詩學苦吟。賦終一長嘯。洗却百年心。

和張西橋入商城道韻

羣山四顧繞孤城。仙馭重經過此行。皂蓋風搖淮地暗。朱軒日映楚天晴。肅清玉帳秋霜凜。會計牙籌曉月明。奸弊從今皆斂跡。恩光幾度徹民情。

鄒頤賢

號蘆南。正德癸酉舉人。歷官同知。詩學漢魏。尤深樂府。風雅之遺。一代之傑也。所著有蘆南集。

採蓮曲

郎面似蓮花。郎心似蓮舟。蓮花媚他人。蓮舟蕩不休。採蓮思郎面。路遙不相見。折藕牽郎舟。絲長難

挽留蓮子生有時。郎去無歸期。

堂篋引

堂上奏堂篋。中厨辦庶羞。今日樂相樂。賓主同勸酬。事變在須臾。誰復能挽留。升沉異形跡。生死那可謀。人心亦叵測。談笑生仇讐。短世何多艱。利害相紛糅。功名生歷階。勢位滋薄偷。不如但飲酒。與世無所求。

君馬黃

君馬黃。臣馬白。馳如翰。將安適。棄之野。疲且瘠。嘶若思。冀北天廐良。何由即。老馬歸。渥洼出。皇之

駕龍驤翼。龍驤翼。天下英賢皆輔弼。

雜詩

禾稼已登場。歲事亦云暮。蟋蟀依堂階。鷓鴣鳴高樹。蕭然萬籟沉。清夜感衷素。願非金石堅。何以延末路。功名既無恃。壽命虛此度。慷慨懷古人。遺芳良不誤。

朱火明庶物。庶物滋敷榮。君子貴適時。窮達非所營。鬱鬱滿阡麓。而復有頽傾。物化豈自致。大造原無情。英賢達治世。濟濟為國楨。薄劣偃蓬蒿。咄憐所生。

多智斯多慮。多事亦多苦。富貴有變故。貧賤樂安堵。蘓張肆游說。七國爭授組。詛詐時復窮。形軀就鼎釜。東門種瓜人。拙守如聾瞽。

雖云雲間鴈。喙云水底魚。豈故樂高深。良以求無虞。至人樂天性。乃向層城居。食霞曳雲霓。逍遙遊天衢。歷覽海市中。福福相紛拏。我亦學仙者。來採

商山薇

空庭度雁聲。清霜麗華月。披衣起鳴琴。仰見衆星列。台階亦何尊。彗孛有飛越。天道示昭然。人事復何缺。草茅有深懷。耿云常不滅。竭誠叩天閭。天閭

詎難謁。雙闕高嶙峋。羣仙何烜赫。碌云無所容。歸來甘守拙。

人以支離全。木以支離壽。夫豈愛支離。支離原可宥。材美生嫉嫌。而况自求售。謙冲猶可為。驕盈豈不謬。周公尚流言。屈平卒蒙詬。庸駑有過愆。情亮不相構。

初春氣猶肅。柴荆更風寒。布衾夙不温。寒士無好顏。披衾坐終夜。幽情思以玄。義理靜深省。嗜慾無牽纏。奈何牛山木。斧斤戕自然。富貴斲天性。貧賤吾何嫌。

上可泉胡公

泰岳高憑雲。太行距千里。乃自太行麓。望極東山
趾。思心日以煩。道路日以否。奈此緬邈懷。投向黃
河水。黃河注東隩。淼々無窮已。齊魯本故鄉。恠爾
馳西軌。茅塞滿胸臆。歲月不我與。歎老復嗟早。鬱
鬱坐成痞。培塿無異地。亦自知物理。所願在泰山。
仰鑽以自砥。

張

瑤

字嘉靖壬午舉人官山西通判操守苦廉歸無居
處死無棺槨隣里醵金葬之生平著述甚富有文追兩

漢詩通全唐之譽惜全稿
無存僅存下第詩一首耳

下第

此日何時三月半。楊花海燕相翻飛。愛逢客子登
樓共。嬾望鄉關落第歸。搔首低昂從性適。畫眉深
淺與時違。幽人自不悲魚肉。長缺高彈對夕暉。

趙雲鵬

字令工於詩風致翛然不類凡品
嘉靖乙酉舉人官大谷

遣憂

隱憂不自遣。晨起對寒扉。岸雪溶々濕。厨烟稍々
飛。名為孤注累。事與寸心違。屈指歲云暮。徒傷未
拂衣。

緼袍

笑道殘年着緼袍。浮生擾攘總徒勞。酒杯不負陶

彭澤詞賦空慚何水曹。莫恠世人輕駭骨。更堪時事極吹毛。老懷荏苒長歌裏。水自深。山自高。

雪後作

城邊十里舊人烟。兩岸寒流夜泊船。冷霧行看饒客思。長風坐覺掃塵緣。雲拖雪片元堪賞。月照冰花亦可憐。漫擬割羶還舊日。不妨投幘倚高天。歲時有約空多恨。徑路無媒只自眠。霽後數尋隣父去。共談往事倍凄然。

程

字子彬。號靜泉。嘉靖壬辰進士。兩官江西。右布政使。致仕。年八十有六。先為尚寶寺卿。嘗忤嚴相。萬左遷。時論重之。詩協唐音。尤工五律。堪與楊冢宰夢山並傳。不朽。有右丞集。

遊天姥吟

昔誦謫仙天姥吟。便有悠然長往之遐心。今遊天姥踏石林。重巖疊嶺信幽深。山花萬朵覆雲岑。流水泠泠太古音。一天青翠竹森森。萬壑松風清我襟。烟霞嶂中蘭若開。果然日月照耀金銀臺。空中飄飄異香來。又若羣仙凌虛御風朝。天迴吾今暇日得長往。豈若謫仙空夢想。餐玉眠雲日蕭爽。永脫凡世塵鞅掌。

送劉榆泉赴遼左兵憲

烟塵催使節。風雨暗離筵。易水傷今日。梁園憶往

年在舊洞山川連海岱。景物半朝鮮。絕塞功勳地。行當早着鞭。

寄吳鵠塘

蕭寺別離後。高齋空爾思。無因同月夜。屢負賞花時。何日出陽羨。吳宜興人看山到武夷。吳有遊武夷之思願君乘興罷。早卜入朝期。

棧道

地僻襟喉會。川流南北分。有分千峯兼萬壑。匹馬逐孤雲。黑水蛟龍窟。青林虎豹羣。不堪巉絕處。天日又西曛。

桃源洞

尋幽來洞口。緩轡即山阿。果是桃花舊。依然春水多。層巖交出木。暗谷密垂蘿。欲逐仙源去。烟光奈夕何。

九日

酒是新秋醞。花猶昨歲香。家遙數千里。客度幾重陽。日斷白雲處。心悲鴻雁行。年々此流滯。羞見紫萸囊。

姑蘇舟中

時為浙江叅政北望鄉關迥。南遊煙霧開。水將明月至。山擁碧雲。

來舟以平流緩。人從疊鼓催。濟川徒有志。為楫愧無才。

至九江時赴廣東

江。城。多。險。既。澤。國。異。風。光。心。定。忘。鄉。遠。年。衰。覺。路。長。片。時。晴。復。雨。一。日。暑。兼。涼。總。得。尋。三。戶。何。由。出。五。羊。

送詹角山之南都奉常詹有雲中平寇功

清。秋。畫。舸。使。君。行。二。十。年。來。海。內。名。庾。信。早。傳。澤。國。賦。裴。公。夜。破。蔡。州。城。雲。山。磨。石。頭。興。風。雨。淒。淒。江。上。情。聞。說。南。臺。多。暇。日。應。憑。北。雁。寄。佳。聲。

保寧山行

攬。轡。嘉。陵。道。西。南。亦。勝。遊。波。光。搖。岫。草。日。色。閃。沙。洲。碧。柳。垂。人。面。青。雲。傍。馬。頭。花。蒙。千。澗。合。竹。覆。幾。家。幽。猿。掛。懸。厓。樹。鶯。啼。野。寺。樓。晚。村。烟。淡。春。聲。水。悠。悠。山。曲。如。相。抱。江。平。似。不。流。寧。知。人。代。裏。于。此。有。丹。邱。

江岫諸花盛開

江。國。梅。花。艷。山。村。鳥。語。頻。年。年。春。色。裏。常。作。未。歸。人。

舟次張家灣

舳舻百萬鎖長河。南土音教雜棹歌。雲樹直連天闕
迥。人家遙在夕陽多。

馬九德

號小東東野之子嘉靖乙未進士累官副都御史巡撫順天其詩豐而有骨亦不愧家學者

雪夜

雪落荒村暮。踈燈獨坐時。好懷隨水去。壯志逐年
衰。不飲愁誰却。無才愧自知。夜分猶未寢。直欲訪
安期。

至日懷程靜泉

長至雙梧夕。寒更獨擁裘。乾坤誰笑傲。歲月此林
邱。忽憶登僂侶。將乘泛剡舟。龍門何處是。清節迥

難儔。

題武邑李三溪詩卷

愁將短榻對孤巖。刻燭深除歲欲闌。遙憶紅顏能
駐老。久愁白髮豈禁寒。芒鞋舊約遊平圃。石室新
題徧曲欄。伐木興中微雨歇。曉來風墮鵲散乾。
長歌躑躅竟朝昏。遠寄魚箋到鹿門。想像閒遊雲
外墅。參差醉卧水邊村。避煙老鶴穿花徑。濕露寒
蟬印竹垣。準擬明年尋浴社。感時憶舊意空存。

劉

佐

號一軒嘉靖乙未進士官興北叅議著遂初堂詩四卷今存一卷五言近體也頗似少陵

陪王方伯虛菴登王屋山絕頂

天遠含空翠。山高絕履痕。到河分晉野。隔岫見秦原。日觀出雲表。星橋倚洞門。軒轅遺跡在。憑弔幾黃昏。

自雲中歸東須南野

相約期共解綬。此日罷彈冠。菜甲合雲煮。櫻花帶雨看。時青雙眼碧。髮白寸心丹。信是神僊侶。何勞嘆羽翰。

卧季霞竹林

柿樹紅如染。竹根草色青。梁空風度葉。野濶水涵星。鳳吹仙人杖。龍吟玉女亭。冠紳與草履。何日辦

柴局

早渡方順河

西山杳不分。松桂度樵雲。方水流殘雪。高林掛夜氣。星光平楚映鴻語半空從此鴛鴦侶。終尋麋鹿羣。

富春山

獨酌霜厓重。披雲草澤新。羊裘虛物色。虎嘯異風塵。七里桐江水。千秋漢鼎春。空令來往者。祠下薦芳蘋。

同胡戶部沙河晚眺

威漠城邊水。雙橋引亂流。金輿虛度日。玉曆已經秋。沙白飛雲幕。山青列酒筵。干戈猶在眼。莫上驛邊樓。

盧宗哲

號涑西嘉靖乙未進士詩文書法妙絕一時散館日世宗御選第一繇翰林歷任光祿寺卿詩

最多晚年自焚之厯存焚餘草一卷溫文爾雅差得初盛體

九日獨坐呈程靜泉

病餘鴻雁候。客裏紫萸香。佳節隨流俗。新詩寄夕陽。含情猶杜曲。寓意即周行。願與執鞭後。常看五色囊。知君無吏隱。菊日泛霞觴。人比陶彭澤。詩成張孟

陽。伊予虛令節。寂自坐胡床。安得瑤臺上。相將望故鄉。

奉賀靜泉尚寶之擢

駕部聲華結主知。三年特擢殿前司。龍文符璽承。鸞禁仙署軒楹對鳳池。晝漏聲中閒簿事。宮花影裏足敲詩。青春更覺風流盛。薄劣慚吾鬢欲絲。

雨夜枉程璽司馬比部携酒過訪

門徑何能似剡溪。空令二妙夜衝泥。盆花爛漫緣誰劇。尊酒殷勤且并携。病裏鬢華從種。近來心事轉淒。為言塵世難逢笑。潦倒還成醉後題。

送郭節推之廉州

十年前賦鳳凰臺。日下爭傳八斗才。當日伯華緣弟著。于今毛義為親來。秋生彩旆關雲袂。月上黃堂海霧開。欲寄天南好消息。池堂春草若為栽。

九月五日寺中對菊

百年能得幾看花。况復清尊共帝家。誰為東籬稱隱逸。茲于上苑見豪華。黃中香浥金莖露。紫艷光凝繡嶺霞。知爾早開應有意。恐吾霜後鬢俱華。

苦雨

城闕氤氳盡。雨痕垂。無復辨朝昏。倚天長劍誰

能借劍破玄雲。萬里屯。

題蕙坡馬封君卷

帝城初霽五雲浮。衣繡乘馳絕勝遊。更愛賓筵秋色好。盈、卿月轉南樓。

吳思敬

字懷川嘉靖癸丑進士官河南懷慶府知府嘯傲詼諧耽情詩酒亦風流逸才也

野遊

七十餘年汗漫遊。芳塵笑惹敝貂裘。携琴却憶榮公樂。捉麈渾無平子愁。竹裏猷茶泉石潤。松間酌酒鳥花稠。鼎彝竹帛渾閒事。風雨瀟、趣自悠。

袁

勿

字少山隆慶時以其祖都憲擯之蔭任平山趙城西縣頗著政散公餘亦耽吟事觀題別墅壁上詩亦見一斑

題別墅壁上

花香石徑遠。樹色一園平。紅杏尋村酒。清簫憶市
飴。鑪烟繞榻暈。池影漾簾晴。靜坐對群物。心隨春
氣生。

程紹 字公業 鄴首 歲方伯之孫 萬曆己丑進士 應官河南 巡撫工部右侍郎 贈尚書 文章品望 存其一 書光片羽有未多者

題夢月祠冊

瞻彼橫山秀。深歲夢月初。歸寧來淑母。示兆誕佳
兒。孤矢當年事。梧捲此日思。渭陽情脉脉。河曲望
瀛。神草生遙嶽。靈根奠厚基。堂成知構肯。嗣孝

念萱慈。蓋代文章伯。中朝禮樂司。人倫依水鏡。物
望指雲旗。至性無他慕。微腸悵裏離。豆籩陳靚几。
風木纏高榭。觀視恒盱戀。趨承輒涕洟。披帷添往
痛。樹楔表前規。生日神猶泣。聞雷某在斯。先賢稱
考叔。傳器問宗彝。真氣騰嵩少。休光亘泰維。繫余
欽篤誼。歛衽一題詩。

李誠明 字思伯 號矩亭 一號泰雲 萬曆甲午舉人 端方博雅 工詩善書 兼擅星曆 壬道太乙 堪輿之學 伊時逆黨魏忠賢 慕其名 潛遣人以厚幣聘結 托病固辭 可謂方正不阿 無愧孝廉兩字 其生平著作 不無散佚 即所謂翻一草 亦僅得之傳聞而已

弔邢子愿

邊李風流少。文章往事多。夢還飛岱色。神往動滄

波夜永心猶壯。雲愁氣可摩。箇中誰是伴。歷下共吟哦。

犁邱烟霧裏。忽爾落文星。蕙帳書仍在。蘭臺墨尚馨。大年週六甲。巨業寄千齡。精物還天上。遺光耀

雨寒

君文何太苦。字字嘔心肝。白雪風前咏。青萍醉後看。欲懸魚尾綬。羞戴鹿皮冠。白玉脩文處。蕭蕭夜

雨寒。

同劉觀國飲程公業山亭玩菊十四韵

高會初冬日。霜花爛漫開。韵輕浮竹檻。香淺壓山

隈。爽氣飄殘柳。信風迎早梅。偏宜松是伴。不許蝶

為媒。吐穎凌書閣。怡情泛酒杯。勁條挺綠野。清味

洗黃埃。漫話青霜操。閑吟白雪才。論文思據座。作

賦欲登臺。曲曲攀危砌。騰騰過峻埃。芳縈陶迳草。

翠遍謝山苔。烟暮雲成冷。夜寒星欲回。秋容近日

澹。花意待詩催。北海尊為倒。東籬嘯可陪。到來神

益王相共賦崔嵬

賤辰卧聽水聲漫紀

炎天日暮嫩涼生。一枕中流自在行。夢鶴凌雲心

外事飛龍注。兩耳邊敲。思從貝闕偷飛手。願向仙

舟御李情。不寐推窓成遠眺。晴川兩岸月輪明。

贈宗以醇歸養

朱旛得意五驂騑。終到西川翠未收。百日春風隨
鶴馭。千年佳氣滿夔州。不貪白璧勞新夢。惟戀青
山憶舊遊。眼界何堪成一咲。閒看世事任沉浮。
銅符解下換斑衣。携得清名帶月歸。青史能傳蜀
水潤。蒼生欲問泰山暉。日邊雨露封萱草。衛潁風
烟護釣磯。移孝從來千古事。蒲輪應上五雲飛。

賦送何昂謨應試

高名久占歷山暉。幾載文星鎖少微。調入金風凌

白雪。思通雲漢點朱衣。化龍喜動毛生夢。歌鹿嚴
聞孟氏機。富貴知君非所事。特將丹桂慰慈闈。

贈壻程魯瞻新舟成次盧德水韵

一檣紅影一床書。自在中流是石渠。棹挽晴雲天
漢動。窓收霽雨月輪疏。主乘翼往仙同李。客問津
來榻下徐。漾漾波光何處住。牽牛渚畔賦閑居。

王

都

字宅中號介清天啓乙丑進士官至太常寺卿得第
後始學詩。中好填時事以寄其感激悲痛之志

聞有象賢詩草
甲申付兵燹矣

題少宗伯顧端屏五雲洞

三吳澳區氣青葱。秀發巖壑朝夕中。二有五雲穴

峭壁山靈虛左遲。僊翁異境天排無踪跡。詎多鬼
斧隨神工。震澤涵空遙四達。馬山銅井一線通。卧
雲磯。冷清浸骨。丹梯上下天光同。獅乳冷。堪濯
足。虎巖習。披雄風。雲光靉靄煥姓字。慧心領畧
空復空。未許武陵詫秦漢。鄴侯只此懷仙踪。

盧

茂

字紹涑光祿之子官河南歸德通判淹貫
經史好講政事之學為詩不多名於陽滂藁

醉翁亭歌

早春天氣晴且和。携尊迤邐山之阿。共說昔人曾
此醉。予今但見亭栽。太守一去不復返。山鳥山
花還自多。我來亭邊玩花鳥。花鳥相忘飲欲醅。堪

憐造化如兒戲。時序流光轉眼過。萬事無如渾一
醉。醒時徒爾多奔波。我思醉翁不可作。臨風聊賦
醉翁歌。

少年行

斜擁貂裘跨玉驄。衝寒日。傍山行。西岡昨夜遺
鞭處。爛醉高歌對雪城。

盧文

錫

字元敬光祿之仲孫官湖廣靖州通判詩宗唐調僅存
三首聞在成均時代祭酒某送人冊封秦藩歸閩省視

限韻詩有白云秦關到日封桐葉閩
路歸時熟荔枝為人傳誦可稱工穩

送李典客南還假道沛國訪張惺字給諫
紅亭新雨後。山色正宜秋。暫解含香署。翻成畫錦

遊大風過沛澤。明月到揚州。欲寄相思字。門前江水流。

程泰 字仲來。號魯瞻。以父司空蔭官江西北。建昌府通判。有詩一卷。名嘯歌。

賦得閑雲隨錫杖為彥白和尚送行

半醉紅顏半醉君。常將風月與平分。臨期執手無多物。持贈惟憑隴上雲。

陳可繼 字懿孫。號如經。河南葉縣令。陳在邦之子。州學生。為文鮮妍。有態度。詩尖峭。甲申兵變。為仇敵。所戕有才無命。深可惋惜。

雪夜

靜裏生孤意。孤何能說此。意在朋從。不知幾明滅。空齋多暮寒。布衾冷如鐵。美人饒古愁。况味或

一列。我有數斗酒。初漉蒲萄血。終當為誰發。等閑不敢啜。豈如田舍翁。招朋浪歡悅。所思盈辰夕。寒澗阻深雪。

贈石含輝

高人不易遘。蕭迥欲藏名。入座芝蘭馥。迎人水石清。作書龍角險。題畫虎頭生。片月初秋裏。依微傍古城。

永慶寺步月

冬月迥如霜。到來霜益別。地靜色復層。如霜又如雪。踞月中行。屏息恐怠褻。未敢語清涼。庶幾脫

煩熱。低迴曩時遊。不覺成淒絕。濁惡難久存。何道就芳潔。稽首古佛前。示予理圓缺。佛云濕火宅。勿使愁邱垆。極目但空廊。聞然無一吶。僧歸戶已扃。流光照孤闌。

孟

願字幼輿州庠生與陳懿孫齊名聊攝姑尤間弟負才使氣早年以事自裁然詩有可取惜無全篇僅將所遺六句存

之吳江楓冷風雨重陽
六自見雅人深致矣

看美人梳頭句

珮留香有韻。簪墮膩無聲。

冬夜留客句

梅花南國物。不許入詩頻。

秋日過東郊句

紅林葉落西風急。古道石人相對愁。

楊

鉉字石金號玉吉州庠生詩搜中存其詩六首
有才竭氣盡羅身羅網之評不知其詳也

驚秋吟

連形卧月尚孤寒。况是蕭條改巨觀。虫蟻偏多人意險。豺狼不盡世途寬。愁來但借詩相押。老至惟將道作闌。粗率難偵青女信。却煩一覺驗危安。

張周明

字于周明末拔貢生工詩筆兼精書法得石軍体一代才也惜恃才傲物忤甲申起義者回罹慘禍遺僧寮敗壁一詩

與庵僧閑話

布衲裁烟霧。蒲團藉草莎。雷峯定裏火。湖水觀中

波○削○髮○嫌○根○在○忘○言○恨○舌○多○少○年○色○力○健○魔○佛○奈○
他○何○

十一

小山蘊撰安德明詩選遺向有雕本此其原槧
也玩筆踪一序並前六頁詩皆先生手書惟後
十二頁詩似易兩手足成然點竄塗改處仍係
先生筆手墨如新釐然可辨同治癸亥五月廿又
七日得自故紙擔上并先獲之聲詩微旨一冊俱
足什襲珍玩嗟乎予後先生百五十餘年生遙
不相及矣而先生之零膏賸馥不藏於家棄置
塵市間與盲詞曲本撥簿帳相溷處幸未即拉
雜摧燒之而志留以需吾之求點中若或相之

先生與予信有緣乎後之覽者當詠歌以為予
幸

任城孫元復識于平津客次



民國紀之十九年予得之於瀋陽
常携以自隨閱歲庚午而

王維宙省長同在政務委員會
對素理公讀即舉以贈之

翟文選
二月廿有七日也

